

18 November 2024

1015Hrs

ما رنينگ گو جری نیو ز بلیٹن مو رخہ 18 نومبر 2024

یوہ آکا شوانی جموں ہے محبوب سلطانی تیں خبر سُنو۔

PM

وزیر اعظم نریندر مو دی اج برازیل مانہہ جی 20 اجلاس مانہہ شرکت کریں گا۔ منیو جا ریو ہے جے جناب مو دی اس اجلاس توں علاوہ عالمی رہنماواں سنگ بکھ بکھ میٹنگ وی منعقد کریں گا۔ جناب مو دی تیں علاوہ امریکی صدر جو بائیڈن تے چین غا صدر شی جن پنگ اس اجلاس مانہہ شرکت کریں گا۔ بھارت، برازیل تے جنوبی افریقہ سنگ جی ٹوانٹی تروکا غو حصو ہے تے جا ری جی 20 اجلاس مانہہ اپنو تعاون دے ریو ہے۔ اس تقریب غے دوران جناب مو دی بکھ بکھ عالمی مسئلاں ور بھارت غا موقف نانہہ پیش کریں گا۔ اس تیں علاوہ وزیر اعظم مو دی حالیہ بہراں اندر بھارت غی طرفوں عالمی جنوبی اجلاس غی میزبانی ور وی لو پا ویں گا۔ واضع رہ جے پچھلے سال بھارت نے نوی دہلی مانہہ جی 20 اجلاس غی کامیاب میزبانی کی تھی۔

LG Sinha Meeting

لیفٹنٹ گو رنر منوج سنہا نے پچھلے تہارے سینئر پولیس تے سول افسراں تے جموں ڈویژن غا تمام ضلعاں غا ڈی سی تے ایس ایس پی غی اعلیٰ سطحی میٹنگ منعقد کر غے خطہ مانہہ حفاظتی صورتحال تے ترقیاتی پروجیکٹاں ور ہوئی پیش رفت غو جائزو لیو۔ اس میٹنگ غے دوران جناب سنہا نے کہیو جے پوری سرکار غی کوشش ہے جے ات دہشت گردی نانہہ مکمل طور ور ختم کرنو تے اُس پورا نظام نانہہ جڑ توں پھینک سٹنو جیڑو انہاں نانہہ مدد فراہم کر ریو ہے۔ لیفٹنٹ گو رنر نے اس گل ور زور پاتاں واں کہیو جے پروجیکٹاں غا نفاذ ور وی لگارتار نگرانی رکھی جا ئے۔ اس تیں علاوہ انہاں نے تاواں توں تاواں ڈھانچہ غی ترقی با رے اہمیت نانہہ وی اُجاگر کیو۔ جناب سنہا نے تمام ڈپٹی کمشنراں نانہہ ہدایت جا ری کرتاں واں کہیو جے عوامی رسائی غا پروگرام نانہہ مزید بدھان غے نال نال 100 فیصدی سرکار

ری سکیمیں غی تکمیل نانہہ یقینی بنایو جا ئے۔ اُنہاں نے مزید کہیو جے ترجیحی بنیاداں ور لوکاں نانہہ فائدو پجان آلی سکیمیں غی نگرانی کرن تیں علا وہ مجموعی کھیتی باڑی ترقیاتی پروگرام تے کا روبا ری سکیم جن مانہہ اک ضلعو اک پیداوار جیسی اسکیم شامل ہیں نانہہ بابدو دینو چاہیے۔ تانجے بڑی تعداد مانہہ لوکاں نانہہ فائدو پجایو جا سکے۔

Jhiri Mela

سیاحت با رے ڈائریکٹوریٹ جموں نے ضلع انتظامیہ جموں گا اشتراک سنگ پچھلے تہاڑے چل ریا جھڑی میلہ مانہہ اک عقیدتی تے ثقافتی پروگرام غو اہتمام کیو۔ اس تقریب مانہہ منیا پڑمنیا وا فنکا ر لکھویندر وڈالی، روی رگھو ونشی، سونالی ڈوگرہ تیں علا وہ جموں کشمیر اکیڈمی برائے فن ثقافت تے لسانیات گا فنکاراں نے وی اپنی سُریلی آواز سنگ شائقین نانہہ لطف اندوز کیو۔ اس تیں پہلاں لیفٹنٹ گو رنر منوج سنہا نے بابا جتو نانہہ خراج عقیدت وی پیش کیو۔ اس تقریب مانہہ متی تعداد مانہہ لوک شرکت کر غے جموں غی امیر ثقافتی تے روحانی ورثہ نانہہ منا ریا ہیں۔ یوہ میلو مشہور فنکاراں غے نال نال مقامی بُنر نانہہ باندے آنن مانہہ اک بہترین پلیٹ فارم مہیا کروا ریوہے۔ واضع رہ جے جھڑی میلو 14 نومبر توں 24 نومبر تک جاری رہ گو۔

Arrest

حفاظتی دستاں نے پچھلے تہاڑے دہشت گرداں سنگ جڑیا اک شخص نانہہ گرفتار کیو۔ جس غے کولوں خاصی مقدار مانہہ گولی سکو باز یاب کیو گیو ہے۔ اس غے نال نال حفاظتی دستاں نے ضلع شوپیاں مانہہ دہشت گرداں غی اک کمین گاہ نانہہ وی تباہ کر دتو ہے۔ ذرائع غے مطابق خُفیہ جانکا ری ملن توں بعد فوج غی 46 راشٹریہ رائفل، سی آر پی ایف تے بارہمولہ پولیس غی ایس او جی نے بارہمولہ ضلع غی جان باز پو رہ بینر سڑک ور گڈیاں غی تلاشی شروع کر دتی۔ اس تلاشی کا روائی غے دوران کلگام توں تعلق رکھن آلا شوکت احمد بھٹ ولد عبدالسلام بھٹ نانہہ اک گولی سکا آلا بیگ سمیت گرفتار کر لیا گیو۔ باز یاب کیا گیا گولی سکا مانہہ اک اے کے 47 رائفل، اک اے کے میگزین تے 20 راؤنڈ شامل ہیں۔ اُنکاں حفاظتی دستاں نے ضلع شوپیاں گا کیلر علاقہ مانہہ اک تلاشی کا روائی غے

دوران دہشت گرداں غی کمین گاہ نانہہ تباہ کیو۔ اس کمین گاہ وچوں کھانو پکان آلا پانڈا تے کھان پین غی چیزاں نانہہ وی بازباب کیو گیو۔ اس تلا شی کا روائی نانہہ فوج غی 44 راشٹریہ رائفل، 34 راشٹریہ رائفل تے 2 راجپوت، سی آر پی ایف تے شوپیاں پولیس نے سانجا طور ور کیو۔

SKAUST Jammu

شیر کشمیریو نیو رسٹی برائے کھیٹی باڑی سائینس تے ٹیکنالوجی سکاسٹ جموں 20 نومبر توں 23 نومبر تک 4 تہاڑاں ور مشتمل قومی کھیٹی باڑی غو اجلاس منعقد کران جارہی ہے۔ اس تقریب مانہہ محکمہ کھیٹی باڑی تے کساناں گی بہبود تیں علا وہ باغبانی، مال چوکھر با رے محکمو تے دیگر غا اشتراک سنگ منعقد کیو جائے گو۔ اس اجلاس غو موضوع ”کھیٹی باڑی تے اس سنگ جڑی سائینس مانہہ ایجاد کا ری نانہہ باندے آننو تے جدید کاشتکاری مانہہ ٹیکنالوجی تے پائیدار طریقہ کار مانہہ تبدیلی غا کردار نانہہ اُجاگر“ کرنو رکھیو گیو ہے۔ اس راہ غی تقریب منعقد کرن غو مقصد کساناں نانہہ جدید ٹیکنالوجی اپنانا با رے معلومات فراہم کرنو ہے۔ تانجے جدید ٹیکنالوجی غو استعمال کر غے پیداوار مانہہ باہدو کیو جا سکے۔ اس تقریب مانہہ خاصی تعداد مانہہ کسان، دیہی نوجوان، ذرعی صنعتکار، نامور سائنسدان، مال چوکھر غا مالک، صنعتکار، سرکاری اداراں غا افسر تیں علا وہ دیگر موجود رہیں گا۔ منیو جا رہیو ہے جموں کشمیر، پنجاب، ہماچل پردیش، ہریانہ، اُترکھنڈ تے لداخ یوٹی توں تقریباً 15 ہزار لوک اس اجلاس مانہہ شرکت کریں گا۔

اس غے نال ہی خبراں غو یوہ بلیٹن ختم ہوؤ۔